

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-590/22
Sarajevo, 31.3.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 03-06-2022			
Org. jed.	Broj	Priloga	Vrijednost
02	02-	590	122

ZAPISNIK

10. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 24.3. i 31.3.2022. godine

Sjednica je počela sa radom u 12:28 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate i goste u dvorani.

Izostanak sa sjednice su opravdali: Dragana Damjanović, Nikica Bosnić i Drago Puzigaća.

Prema evidenciji Stručne službe sjednici prisustvuje 49 delegata, što čini većinu, pa Dom naroda može raditi i punovažno odlučivati.

Predsjedavajući je saopštio delegatima da, s obzirom da je pokazano veliko interesovanje, omogućeno je da sjednicu prate predstavnici sindikata penzionera.

Također, sjednici prisustvuje i predstavnik Oružanih snaga, te predstavnik zapovjednika NATO štaba u BiH, gospodin Dario Šikulja.

Predsjedavajući je potom upitao ima li prijedloga za izmjenu i dopunu predloženog dnevnog reda.

Delegat Ivo Tadić je dostavio Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH, s prijedlogom da se razmatra po hitnom postupku.

Na osnovu člana 188. Poslovnika o radu Doma naroda Parlamenta Federacije BiH, potrebno je da se Dom naroda izjasni o ovom prijedlogu.

Na osnovu rezultata glasanja, predsjedavajući je konstatovao da je sa 36 glasova za, četiri suzdržana glasa i bez glasova protiv, Dom naroda prihvatio da se Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH, razmatra po hitnom postupku.

Vlada Federacije BiH dostavila je Prijedlog zakona o izmjenama Zakona o prodaji stanova na kojima postoji stanarsko pravo s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda sa 31 glasom za, 10 suzdržanih i pet glasova protiv, prihvatio da se Prijedlog zakona o izmjenama Zakona o prodaji stanova na kojima postoji stanarsko pravo, razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, dva suzdržana glasa i bez glasova protiv, usvojio sljedeći:

DNEVNI RED

1. Odluka Ustavnog suda Bosne i Hercegovine, broj: AP- 3932/21 od 23.2.2022.godine,
2. Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH (predlagač: Ivo Tadić, delegat u Domu naroda) – hitni postupak,
3. Prijedlog zakona o izmjenama Zakona o prodaji stanova na kojima postoji stanarsko pravo - skraćeni postupak,
4. Izjašnjenje o Prijedlogu zakona o kontroli i ograničenoj upotrebi duhana, duhanskih i ostalih proizvoda za pušenje,
5. Nacrt zakona o javno-privatnom partnerstvu Federacije Bosne i Hercegovine,
6. Informacija o analizi efekta primjene Odluke Vlade Federacije BiH o ograničavanju povećanja cijena snabdijevanja električnom energijom ("Službene novine Federacije BiH", broj 3/22) (zahtjev JP „Elektroprivreda BiH“ d.d. - Sarajevo za odobrenje nastavka rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj) sa Prijedlogom zaključka,
7. Strategija upravljanja dugom 2021 - 2023. godina,
8. Strategija reforme upravljanja javnim finansijama u Federaciji BiH 2021-2025 godine,
9. Strategija razvoja sistema internih finansijskih kontrola u javnom sektoru Federacije Bosne i Hercegovine,
10. Izveštaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2019. godinu za period 1.1. – 31.12. 2019. godine sa:
 - a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2019. godinu za period 1.1. – 31.12. 2019. godine,
 - b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2019. godinu za period 1.1.- 31.12. 2019. godine,
 - c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2019. godinu za period 1.1. – 31.12. 2019. godine godine po budžetskim korisnicima,

11. Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2020. godinu za period 1.1.- 31.12. 2020. godine sa
 - a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine,
 - b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine,
 - c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine godine po budžetskim korisnicima,
12. Izvještaj o odobravanju izdvajanja sredstava iz „Tekuća rezerva“ Vlade Federacije Budžeta Federacije Bosne i Hercegovine za 2021. godinu za period 1.1.-30.6.2021. godine sa:
 - a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine,
 - b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine,
 - c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine po budžetskim korisnicima,
13. Specijalni izvještaj o pravu na slobodu mirnog okupljanja,
14. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2020. godinu,
15. Specijalni izvještaj o govoru mržnje u Bosni i Hercegovini,
16.
 - a) Informacija o epidemiološkoj situaciji COVID-19 u Federaciji Bosne i Hercegovine na dan 7.2.2022. s prijedlogom naredbi i preporuka Kriznog štaba Federalnog ministarstva zdravstva,
 - b) Informacija o epidemiološkoj situaciji COVID-19 u Federaciji Bosne i Hercegovine na dan 21.2.2022. s prijedlogom naredbi i preporuka Kriznog štaba Federalnog ministarstva zdravstva,
 - c) Informacija o epidemiološkoj situaciji COVID-19 u Federaciji Bosne i Hercegovine na dan 7.3.2022. s prijedlogom naredbi i preporuka Kriznog štaba Federalnog ministarstva zdravstva,
17. Rješenje o prijedlogu za imenovanje članova Državne regulatorne komisije za električnu energiju (DERK) iz Federacije Bosne i Hercegovine.

1. Odluka Ustavnog suda Bosne i Hercegovine, broj: AP- 3932/21 od 23.2.2022.godine,

Ustavni sud BiH je Parlamentu Federacije BiH dostavio Odluku broj: AP-3932/21 od 23.2.2022. godine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 40 glasova za, bez suzdržanih i bez glasova protiv, prihvatio sljedeći:

ZAKLJUČAK

1. Zadužuje se premijer Federacije BiH da u skladu s Ustavom Federacije BiH osigura izvršenje Odluke Ustavnog suda BiH broj: AP-3932/21 od 23.2.2022. godine.
2. **Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH (predlagač: Ivo Tadić, delegat u Domu naroda) – hitni postupak,**

Predlagač ovog zakona je Ivo Tadić, delegat u Domu naroda Parlamenta Federacije BiH.

Predstavnički dom obavijestio je Dom naroda da je na 27. sjednici, održanoj 30.11.2021. godine, usvojio Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH sa jednim amandmanom predlagača koji je postao sastavni dio Prijedloga zakona.

Predlagač ovog zakona u Predstavničkom domu je poslanik Zijat Mušić.

Tekst Prijedloga zakona delegata Ive Tadića istovjetan je Prijedlogu zakona koji je podnio poslanik Zijat Mušić.

Prijedlog zakona dostavljen je Vladi Federacije BiH na davanje mišljenja.

Prijedlog su razmatrala i nadležna radna tijela koja su dostavila svoje izvještaje.

Prijedlog zakona obrazložio je Ivo Tadić, predlagač Zakona.

U raspravi su učestvovali Senad Ahmetović, Senad Alić, Aner Žuljević, Tomislav Martinović, Rasim Pajić, Igor Stojanović, Zvonko Marić, Vibor Handžić, Ivo Tadić i Zvonko Marić.

Delegatima se obratio gospodin Nermin Lapandić, pukovnik Oružanih snaga BiH, gospodin Meho Redžić, predstavnik Saveza penzionera i predstavnik federalnog ministarstva.

Predsjedavajući je prije glasanja o ovom zakonu, dao kratku pauzu od 10 minuta radi dodatnih konsultacija.

Nakon pauze, pristupilo se glasanju o Prijedlogu zakona o vanrednom usklađivanju penzija ostvarenih po Zakonu o službi u Oružanim snagama BiH.

Na osnovu rezultata glasanja, predsjedavajući je konstatovao da je Dom naroda sa 41 glasom za, jednim suzdržanim glasom i bez glasova protiv, usvojio Prijedlog zakona o vanrednom usklađivanju penzija ostvarenih po Zakonu o službi u Oružanim snagama BiH.

Prije prelaska na 3. tačku dnevnog reda, predsjedavajući je pročitao Zaključak Zvonka Marića, koji glasi:

ZAKLJUČAK

Dom naroda obavezuje Vladu Federacije BiH da u skladu sa svojim ovlastima zatraži tehničku pomoć eksperata Svjetske banke u vezi isplata iz PIO-MIO boračkoj populaciji učesnicima odbrane BiH koji su otišli u penziju prema ranijim uslovima kako bi se izvršilo usklađivanje penzija i otklonila diskriminacija prema njima. Sve ovo uz uvažavanje preporuka iz Strazbura i nadležnih tijela UN. Rok za ovu vrstu izmjena i dopuna predmetnih Zakona učiniti u roku od tri mjeseca.

Na osnovu rezultata glasanja, predsjedavajući je konstatovao da je, sa 32 glasa za, pet suzdržanih glasova i bez glasova protiv, Dom naroda prihvatio ovaj zaključak.

3. Prijedlog zakona o izmjenama Zakona o prodaji stanova na kojima postoji stanarsko pravo - skraćeni postupak,

Tekst Prijedloga zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na 28. sjednici, održanoj 21.12.2021. godine, usvojio Prijedlog zakona o izmjenama Zakona o prodaji stanova na kojima postoji stanarsko pravo u tekstu kako ga je predložila Vlada Federacije BiH.

Prijedlog Zakona razmatrala su i nadležna radna tijela i dostavila svoje izvještaje.

Prijedlog zakona obrazložio je Hamid Suljević, pomoćnik Federalnog ministarstva prostornog uređenja.

U raspravi su učestvovali Senad Alić, Ivo Tadić, Nijaz Musić i Zvonko Marić.

Na osnovu rezultata glasanja, predsjedavajući je konstatovao da Dom naroda, sa 11 glasova za, 11 suzdržanih glasova i 22 glasa protiv, nije usvojio Prijedlog zakona o izmjenama Zakona o prodaji stanova na kojima postoji stanarsko pravo.

4. Izjašnjenje o Prijedlogu zakona o kontroli i ograničenoj upotrebi duhana, duhanskih i ostalih proizvoda za pušenje,

Predsjedavajući je podsjetio delegate da je rasprava po ovoj tački zaključena i da je preostalo izjašnjavanje o amandmanima i Prijedlogu zakona.

Na Prijedlog zakona amandmane su podnijeli: Aner Žuljević – tri amandmana, Klub delegata hrvatskog naroda – tri amandmana i delegat Žarko Vujović – tri amandmana.

Vlada Federacije BiH dostavila je Izjašnjenje kojim ne prihvata podnesene amandmane.

Predsjedavajući je potom pozvao predlagače amandmana da se izjasne da li žele da se o njihovim amandmanima izjasni Dom naroda.

Delegat Aner Žuljević je ostao pri traženju izjašnjenja Doma naroda na njegove amandmane.

Na osnovu rezultata glasanja, predsjedavajući je konstatovao da je Amandman I delegata Anera Žuljevića dobio potrebnu većinu, sa 37 glasova za, šest suzdržanih glasova i četiri glasa protiv.

Na osnovu rezultata glasanja, predsjedavajući je konstatovao da je Amandman II dobio potrebnu većinu, sa 31 glasom za, 10 suzdržanih glasova i pet glasova protiv.

Na osnovu rezultata glasanja, predsjedavajući je konstatovao da je Amandman III dobio potrebnu većinu, sa 34 glasa za, šest suzdržanih glasova i šest glasova protiv.

Potom se prešlo na izjašnjavanje o amandmanima Kluba delegata hrvatskog naroda.

Predsjedavajući je konstatovao da je sa da su Amandman I i Amandman II potpuno identični, te da je preostalo da se izjasne o Amandmanu III.

Na osnovu rezultata glasanja, predsjedavajući je konstatovao da je sa 32 glasa za, osam suzdržanih glasova i pet glasova protiv, Amandman III dobio potrebnu većinu.

Potom se prešlo na izjašnjavanje o amandmanima delegata Žarka Vujovića, koji je također ostao pri želji da se Dom naroda očituje o njegovim amandmanima.

Na osnovu rezultata glasanja, predsjedavajući je konstatovao da je, sa 33 glasa za, sedam suzdržanih glasova i pet glasova protiv, Amandman I Žarka Vujovića dobio potrebnu većinu.

Predsjedavajući je konstatovao da je Amandman II delegata Žarka Vujovića istovjetan Amandmanu III Anera Žuljevića, te da se o njemu ne treba posebno izjašnjavati, te da je preostao još Amandman III.

Na osnovu rezultata glasanja, predsjedavajući je konstatovao da je, sa 32 glasa za, osam suzdržanih glasova i tri glasa protiv, ovaj amandman dobio potrebnu većinu.

Na osnovu rezultata glasanja, predsjedavajući je konstatovao da je Dom naroda, sa 40 glasova za, sedam suzdržanih glasova i bez glasova protiv, prihvatio Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje.

5. Nacrt zakona o javno-privatnom partnerstvu Federacije Bosne i Hercegovine,

Predsjedavajući je ustupio vođenje sjednice potpredsjedavajućem Doma naroda, gospodinu Aljoši Čampari.

Nacrt zakona utvrdila je Vlada Federacije BiH.

Predstavnički dom obavijestio je Dom naroda, da je na 30. sjednici, održanoj 9.3.2022. godine, razmatrao Nacrt zakona o javno-privatnom partnerstvu Federacije Bosne i Hercegovine i Zaključkom ga prihvatio.

Nacrt zakona razmatrala su i nadležna radna tijela, te dostavila svoje izvještaje.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je, sa 32 glasa za, bez suzdržanih glasova, i bez glasova protiv, Dom naroda prihvatio sljedeći:

ZAKLJUČAK

1. Dom naroda prihvata Nacrt Zakona o javno-privatnom partnerstvu FBiH i smatra da može poslužiti kao osnov za izradu Prijedloga zakona.
 2. Zadužuje se predlagač da organizuje i provede javnu raspravu u trajanju od 60 dana.
 3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na raspravi kao i one koje su dostavljene ili će biti dostavljene u pisanoj formi.
- 6. Informacija o analizi efekta primjene Odluke Vlade Federacije BiH o ograničavanju povećanja cijena snabdijevanja električnom energijom ("Službene novine Federacije BiH", broj 3/22) (zahtjev JP „Elektroprivreda BiH“ d.d. - Sarajevo za odobrenje nastavka rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj) sa Prijedlogom zaključka,**

Vlada Federacije BiH dostavila je Informaciju o analizi efekta primjene Odluke Vlade Federacije BiH o ograničavanju povećanja cijena snabdijevanja električnom energijom ("Službene novine Federacije BiH", broj 3/22) (zahtjev JP „Elektroprivreda BiH“ d.d. - Sarajevo za odobrenje nastavka rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj), radi razmatranja i usvajanja Parlamentu Federacije BiH.

Predstavnički dom obavijestio je Dom naroda da je, na 14. vanrednoj sjednici, održanoj 9.3.2022. godine, razmatrao ovu informaciju i tom prilikom donio Zaključak.

Informaciju su razmatrala nadležna radna tijela i dostavila svoje izvještaje.

Informaciju je obrazložio Muhamed Kozadra, predstavnik Elektroprivrede BiH.

U raspravi su učestvovali Aner Žuljević, Damir Džeba, Vibor Handžić, Damir Marjanović, Tomislav Martinović i Muhamed Kozadra.

Predsjedanje domom ponovo je preuzeo Tomislav Martinović, predsjedavajući Doma naroda.

Predsjedavajući je potom pročitao zaključke koje je Dom naroda prihvatio te predložio da Dom naroda usvoji iste, uz izmjenu da umjesto termina „Predstavnički dom“ stoji „Dom naroda“.

Na osnovu rezultata glasanja, predsjedavajući je konstatovao da je, Dom naroda, sa 37 glasova za, tri suzdržana glasa i jednim glasom protiv, prihvatio sljedeće zaključke:

1. Dom naroda Parlamenta Federacije BiH prima k znanju Informaciju o analizi efekta primjene Odluke Vlade Federacije BiH o ograničavanju povećanja cijena opskrbe električnom energijom ("Službene novine Federacije BiH", broj 3/22) (zahtjev JP „Elektroprivreda BiH“ d.d. - Sarajevo za odobrenje nastavka rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj).
2. Dom naroda Parlamenta Federacije BiH podržava pokrenute aktivnosti od strane institucija Federacije Bosne i Hercegovine i Bosne i Hercegovine (Ministarsva vanjske trgovine i ekonomskih odnosa) u pogledu produženja rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj), odnosno traženje prema Sekretarijatu Energetske zajednice o izmjeni statusa pomenutih blokova, tako što će se isti, iz „OPT-OUT“ liste, uključiti u Nacionalni plan smanjenja emisija za Bosnu i Hercegovinu (NERP BiH), a čime se produžio rad predmetnih blokova do 01.01.2028. godine.
3. Dom naroda Parlamenta Federacije odobrava nastavak rada Bloka 4 u Podružnici Termoelektrana „Tuzla“, Tuzla i Bloka 5 u Podružnici Termoelektrana „Kakanj“, Kakanj), kako bi se osigurala nesmetanu opskrbu električnom i toplotnom energijom, što se osigurava radom ovih blokova.
4. Dom naroda Parlamenta Federacije BiH zadužuje Federalnu upravu za inspeksijske poslove da sedmično saopćava javnosti informacije o inspeksijskim nadzorima koji će sadržavati podatke o imenima privrednih subjekata koji su kršili odluke Vlade FBiH u vezi s propisanim maržama za životne namirnice i naftne derivate, kao i o visini izrečenih kazni prema Zakonu o kontroli cijena u FBiH. To se odnosi i na inspeksijske nadzore od 15.2.2022. godine do 9.3.2022. godine.
5. Dom naroda Parlamenta Federacije BiH traži od Vlade FBiH da u roku do 30 dana dostavi Domu naroda Parlamenta Federacije BiH informaciju o statusu realizacije projekata izgradnje zamjenskih termoblokova (Blok 7, TE Tuzla, Blok 1, TE Banovići i Blok 8, TE Kakanj), čija je izgradnja planirana važećom Okvirnom energetsom strategijom BiH do 2035. godine. Informacija treba da obuhvati nivo implementacije projekta, mogućnosti njegove relalizacije, odnosno za koji projekat je izvjesno da se neće realizirati i iz kojih razloga.
6. Ovaj zaključak stupa na snagu danom donošenja i objavit će se u „Službenim novinama Federacije BiH“.

7. Strategija upravljanja dugom 2021 - 2023. godina,

Vlada Federacije BiH dostavila je, Parlamentu Federacije BiH, radi informisanja, Strategiju upravljanja dugom 2021 - 2023. godina.

Predstavnički dom obavijestio je Dom naroda, da je na 20. sjednici, održanoj 30.3.2021. razmatrao i primio k znanju Strategiju upravljanja dugom 2021 - 2023. godina.

Strategiju su razmatrala nadležna radna tijela i dostavila svoje izvještaje.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je, Dom naroda Parlamenta Federacije BiH, primio k znanju Strategiju upravljanja dugom 2021 - 2023. godina.

8. Strategija reforme upravljanja javnim finansijama u Federaciji BiH 2021-2025 godine,

Vlada Federacije BiH dostavila je Strategiju Parlamentu Federacije BiH.

Predstavnički dom obavijestio je Dom naroda da je, na 21. sjednici, održanoj 27.4.2021. razmatrao i primio k znanju Strategiju reforme upravljanja javnim finansijama u Federaciji BiH 2021-2025 godine.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je, Dom naroda Parlamenta Federacije BiH, primio k znanju Strategiju reforme upravljanja javnim finansijama u Federaciji BiH 2021-2025 godine.

9. Strategija razvoja sistema internih finansijskih kontrola u javnom sektoru Federacije Bosne i Hercegovine,

Vlada Federacije BiH dostavila je Strategiju razvoja sistema internih finansijskih kontrola u javnom sektoru Federacije Bosne i Hercegovine, Parlamentu Federacije BiH.

Predstavnički dom obavijestio je Dom naroda da je, na 23. sjednici, održanoj 5.7.2021. razmatrao i primio k znanju Strategiju razvoja sistema internih finansijskih kontrola u javnom sektoru Federacije Bosne i Hercegovine.

Strategiju su razmatrala nadležna radna tijela i dostavila svoje izvještaje.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je, Dom naroda Parlamenta Federacije BiH, primio k znanju Strategiju razvoja sistema internih finansijskih kontrola u javnom sektoru Federacije Bosne i Hercegovine.

10. Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2019. godinu za period 1.1. – 31.12. 2019. godine sa:

- a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2019. godinu za period 1.1. – 31.12. 2019. godine,
- b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2019. godinu za period 1.1.- 31.12. 2019. godine,
- c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2019. godinu za period 1.1. – 31.12. 2019. godine godine po budžetskim korisnicima,

Vlada Federacije BiH dostavila je Parlamentu Federacije BiH ovaj izvještaj, a Predstavnički dom obavijestio je Dom naroda da je na nastavku 17. sjednice, održane 19.1.2021. godine, prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2019. godinu za period 1.1. – 31.12. 2019. godine sa Zaključkom.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 26 glasova za, pet suzdržanih glasova i dva glasa protiv, nije prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2019. godinu za period 1.1. – 31.12. 2019. godine.

11. Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2020. godinu za period 1.1.- 31.12. 2020. godine sa

- a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine,
- b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine,
- c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2020. godinu za period 1.1. – 31.12. 2020. godine godine po budžetskim korisnicima,

Predstavnički dom obavijestio je Dom naroda da je na 21. sjednici, održanoj 27.4.2021. godine, prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2020. godinu za period 1.1.- 31.12. 2020. godine sa Zaključkom.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 23 glasa za, osam suzdržanih glasova i pet glasova protiv, nije prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2020. godinu za period 1.1.- 31.12. 2020. godine.

12. Izvještaj o odobravanju izdvajanja sredstava iz „Tekuća rezerva“ Vlade Federacije Budžeta Federacije Bosne i Hercegovine za 2021. godinu za period 1.1.-30.6.2021. godine sa:

- a) Tabelarnim pregledom odluka o odobravanju izdvajanja sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine,
- b) Tabelarnim pregledom rješenja o izdvajanju sredstava iz „Tekuće rezerve premijera i zamjenika premijera Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine,
- c) Tabelarnim pregledom odluka o izdvajanju sredstava iz „Tekuće rezerve Vlade Federacije BiH“ Budžeta Federacije Bosne i Hercegovine za 2021. godinu za period 1.1.-30.6.2021. godine po budžetskim korisnicima,

Predstavnički dom obavijestio je Dom naroda da je na 25. sjednici, održanoj 27.9.2021. godine, prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2021. godinu za period 1.1.-30.6.2021. godine sa Zaključkom.

Izvještaj su razmatrala nadležna radna tijela.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 20 glasova za, osam suzdržanih glasova i šest glasova protiv, nije prihvatio Izvještaj o odobravanju izdvajanja sredstava iz „Tekuće rezerve Vlade Federacije“ Budžeta Federacije Bosne i Hercegovine za 2021. godinu za period 1.1.-30.6.2021. godine.

13. Specijalni izvještaj o pravu na slobodu mirnog okupljanja,

Institucija Ombudsmena za ljudska prava BiH dostavila je Parlamentu Federacije BiH Specijalni izvještaj o pravu na slobodu mirnog okupljanja.

Predstavnički dom obavijestio je Dom naroda da je na 21. sjednici, održanoj 27.4.2021. godine, razmatrao i primio k znanju Specijalni izvještaj o pravu na slobodu mirnog okupljanja sa zaključcima.

U raspravi niko nije učestvovao.

Predsjedavajući je konstatovao da je Dom naroda primio k znanju Specijalni izvještaj o pravu na slobodu mirnog okupljanja.

14. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2020. godinu,

Predstavnički dom obavijestio je Dom naroda da je na 20. sjednici, održanoj 30.3.2021. godine, razmatrao i primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2020. godinu.

U raspravi niko nije učestvovao.

Predsjedavajući je konstatovao da je Dom naroda primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2020. godinu.

15. Specijalni izvještaj o govoru mržnje u Bosni i Hercegovini,

Institucija Ombudsmena za ljudska prava BiH dostavila je Parlamentu Federacije BiH Specijalni izvještaj o govoru mržnje u Bosni i Hercegovini.

Predstavnički dom obavijestio je Dom naroda da je na 30. sjednici, održanoj 9.3.2022. godine, razmatrao i primio k znanju Specijalni izvještaj o govoru mržnje u Bosni i Hercegovini.

U raspravi niko nije učestvovao.

Predsjedavajući je konstatovao da je Dom naroda primio k znanju Specijalni izvještaj o govoru mržnje u Bosni i Hercegovini.

- 16. a) Informacija o epidemiološkoj situaciji COVID-19 u Federaciji Bosne i Hercegovine na dan 7.2.2022. s prijedlogom naredbi i preporuka Kriznog štaba Federalnog ministarstva zdravstva,**
- b) Informacija o epidemiološkoj situaciji COVID-19 u Federaciji Bosne i Hercegovine na dan 21.2.2022. s prijedlogom naredbi i preporuka Kriznog štaba Federalnog ministarstva zdravstva,**
- c) Informacija o epidemiološkoj situaciji COVID-19 u Federaciji Bosne i Hercegovine na dan 7.3.2022. s prijedlogom naredbi i preporuka Kriznog štaba Federalnog ministarstva zdravstva,**

Predstavnički dom obavijestio je Dom naroda da je na sjednici, održanoj 9.3.2021. godine, razmatrao i primio k znanju ovu informaciju.

U raspravi niko nije učestvovao.

Predsjedavajući je konstatovao da je Dom naroda primio k znanju Informaciju o epidemiološkoj situaciji COVID-19 u Federaciji Bosne i Hercegovine na dane 7.2., 21.2. i 7.3.2022. godine, s prijedlogom naredbi i preporuka Kriznog štaba Federalnog ministarstva zdravstva.

17. Rješenje o prijedlogu za imenovanje članova Državne regulatorne komisije za električnu energiju (DERK) iz Federacije Bosne i Hercegovine.

Vlada Federacije BiH je Parlamentu Federacije BiH, dostavila Rješenje o prijedlogu za imenovanje članova Državne regulatorne komisije za električnu energiju (DERK) iz Federacije Bosne i Hercegovine, kojim su za imenovanje dva člana Državne regulatorne komisije za električnu energiju iz Federacije BiH predložili gospodina Suada Zeljkovića i gospodina Milenka Tomića na mandatni period od pet godina.

Predstavnički dom obavijestio je Dom naroda da je na 30. sjednici, održanoj 9.3.2022. godine, donio Odluku o utvrđivanju prijedloga za imenovanje dva člana Državne regulatorne komisije za električnu energiju (DERK) iz Federacije Bosne i Hercegovine.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 27 glasova za, jednim suzdržanim glasom i šest glasova protiv, nije prihvatio Rješenje o prijedlogu za imenovanje članova Državne regulatorne komisije za električnu energiju (DERK) iz Federacije Bosne i Hercegovine.

Jasmin Duvnjak je zatražio prekid sjednice pa da se o ovom rješenju na idućoj sjednici izvrši pojedinačno izjašnjavaње.

Predsjedavajući se složio s tim prijedlogom.

Sjednica je prekinula sa radom u 16:14 sati.

NASTAVAK SJEDNICE OD 31.3.2022. GODINE

Sjednica je počela s radom u 16:15 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate i goste u dvorani.

Prema evidenciji Stručne službe sjednici prisustvuje 43 delegata, što čini većinu, pa Dom naroda može raditi i punovažno odlučivati.

Predsjedavajući je obavijestio prisutne da je termin sjednice promijenjen zbog činjenice da je trebala zasjedati Skupština Kantona Sarajevo, međutim oni nisu radili, tako da je odlučeno da sjednica umjesto 1.4. bude održana 31.3.2022. godine.

Potom se prešlo na preostalu tačku dnevnog reda.

17. Rješenje o prijedlogu za imenovanje članova Državne regulatorne komisije za električnu energiju (DERK) iz Federacije Bosne i Hercegovine

Predsjedavajući je napomenuo prisutne da je glasanje po ovoj tački obavljeno, ali

da je prijedlog predsjednika Kluba delegata bošnjačkog naroda bio da se delegati pojedinačno izjasne po ovom pitanju.

Sekretar je prema odredbi člana 113. Poslovnika o radu Doma naroda Parlamenta Federacije BiH izvršio pojedinačnu prozivku delegata.

Na osnovu rezultata glasanja, predsjedavajući je konstatovao da Dom naroda, sa 31 glasom za, 11 suzdržanih glasova i devet glasova protiv, donio Odluku o utvrđivanju Prijedloga za imenovanje dva člana Državne regulatorne komisije za električnu energiju iz Federacije Bosne i Hercegovine kojim su Suad Zeljković i Milenko Tomić predloženi za članove Državne regulatorne komisije za električnu energiju iz Federacije Bosne i Hercegovine.

Predsjedavajući je napomenuo da će se ovaj prijedlog dostaviti Vijeću ministara BiH koje će imenovanje članova Državne regulatorne komisije za električnu energiju iz Federacije Bosne i Hercegovine predložiti Parlamentarnoj skupštini BiH.

Sjednica je završila s radom u 16:23 sati.

Transkript sjednice čini sastavni dio Zapisnika.

SEKRETAR

Izmir Hadžić



PREDSJEDAVAJUĆI

Tomislav Martinović

